

Tag für Tag

Vom Morge früh bis am Abe spät
Lieder düre Tag



IMPRESSUM

Die CD wurde durch Papperla PEP in Kooperation mit Weltenbummler produziert:
www.pepinfo.ch / Rubrik: Papperla PEP Junior / Projektleitung: Thea Rytz

Produktionsleitung, Komposition, Gesang	Renie Uetz
Produktionsleitung, Komposition, Gesang	Nicole Bohnenblust, www.weltenbummler.biz
Aufnahmeleitung	Andreas Michel für nufimusic.com
Klavier, Arrangements	Benjamin Kulling
Perkussion, Arrangements	Adrian Christen
Gitarre, Arrangements	Andy Seidt
Gesang Kinder: Guete Morge, Ade uf Wiederseh	Andrea Hadorn, Stefan Hadorn, Julia Liebi, Louis Siegfried, Lia Uetz
Spiele, Pöisele	Julia Liebi, Lia Uetz
Mastering	Oli Bösch für baselcitystudios.com
Figuren	Veronica Grandjean/Franziska Nyffeler
Grafik/Fotos	Franziska Nyffeler

PAPPERLA PEP
junior



Guete Morge

- 1 Guete Morge, guete Morge, guete Morge,
guete Morge mitenand.
Buon giorno, buon giorno, buon giorno,
buon giorno.
Mir wünsche öich e schöne Tag und
e Guete mitenand!
- 2 Bonjour, bonjour, bonjour, bonjour.
Bun di, bun di, bun di, bun di.
Mir wünsche öich e schöne Tag und
e Guete mitenand!
- 3 Buenos dias, buenos dias, buenos dias,
buenos dias.
Dobro jutro, dobro jutro, dobro jutro,
dobro jutro.
Mir wünsche öich e schöne Tag und
e Guete mitenand!
- 4 Günaydin, günaydin, günaydin, günaydin.
Good morning, good morning,
good morning, good morning.
Mir wünsche öich e schöne Tag und
e Guete mitenand!

Aalege

- 1 Chumm mir lege üs itz aa,
dass mir chöi veruse gah.
Ungerhose, T-Shirt, Socke, Hose, Jagge,
Schueh, scho hei mir aues aa!
- 2 Chumm, mir lege d' Ungerhose aa,
dass mir chöi veruse gah.
Zersch ds einte Bei, när ds angere dry,
's isch doch gar nid schwierig gsy!
- 3 Chumm mir lege ds T-Shirt aa,
dass mir chöi veruse gah.
Schlüfe mit de Arme dry, dr Chopf dür
ds Loch, das isch's scho gsy!
- 4 Chumm mir lege d' Socke aa,
dass mir chöi veruse gah.
Z' ersch dr rächt Fuess, när dr lingg,
das geit aus scho richtig flink!
- 5 Chumm mir lege d' Hose aa,
dass mir chöi veruse gah.
Rächts Bei, linggs Bei stahni dry,
hüpfe bis ig dinne bi!
- 6 Chumm mir lege d' Jagge aa,
dass mir chöi veruse gah.
D' Arme dry, dr Risverschluss zue,
itze fähle nur no d' Schueh!



Wie kann man mit Kleidern spielen?

- 7 Chumm mir lege d' Schueh no aa,
dass mir chöi veruse gah.
Linggs und rächts itz ha se aa,
itze chöi mir ändlech gah!

Tschüss und bis gly

- 1 Liebi Mama, Tschüss und bis gly,
bis hüt Abe, da fröien i my.
I gah ga spile
mit myne Fründe,
bis du wieder chunnsch.
- 2 Liebe Papa, Tschüss und bis gly,
bis hüt Abe, da fröien i my.
Bi mir isch my Bär
und dä schmöckt nach dir,
wenn är bi mir isch.
- 3 Liebi Mama, Tschüss und bis gly,
bis hüt Abe, da fröien i my.
Du hesch gseit, du tuesch itze
I mym Härz inne sitze,
bis du wieder chunnsch.
- 4 Liebe Papa, Tschüss und bis gly,
bis hüt Abe, da fröien i my.
I gah ga spile
mit myne Fründe,
bis du wieder chunnsch.



Was hilft ihrem Kind beim Abschied?

Spile



1 Umespringe,
ganz lut singe,
schlyche, schnaagge,
dür d' Höhli, graagge!
Mir sy am Spile
mir wei üsi Rueh!
Mir hei ja immer so viu z' tue!

2 Räuber jage,
Chäfer plaage,
gumpe vom Mürli
louft wie am Schnüerli!
Mir sy...

3 Schätz verstecke,
dr Nachbar verschrecke
Prinze befreie,
Drache wo spöie!
Mir sy...

Könnst ihr: umespringe, ganz lut singe, schlyche und schnaagge? Zeigt es nacheinander alle gemeinsam.

Vogu Stritti

1 Hallo zäme,
darf i mi vorstelle:
I bi dr Vogu Stritti,
i picke gärn de Lüt i ds' Gnickli
und warte bis si verruckt sy.
U we si stritte, fröie i mi
u picke no chly meh,
u we si wüetig sy, de lachen i e chly.

2 U we das Strittli
när verby isch,
de flügi schnäll drvo,
wül Friede, Fröid und Lache
chöi mi nid glücklech mache.
Nur we si stritte fröie i mi
u picke no chly meh,
u we si wüetig sy, de lachen i e chly.



Troschtlied

Wenn i aube truurig bi,
de sitz i im ne Egge hi
und tue ganz fiin über ds Gsicht mir stryche
und mir säge, muesch nid verzwyfle,
de ligt ei Hand ganz warm uf em Buuch
u die anderi chunnt uf ds Härz druf.

Ist es schwierig jemanden zu trösten?



Wasser trinke

Trippedi, trippedi, trippedi trop,
usem Wasserhahne gheit e Tropf.
Trip trop, trip trop, trip trop, Tropf,
's tropfet wyter, plip, plopp, plopp!

Stelle es Glas unde dra,
wil i gmerkt ha,
dass ig Durscht ha.

Psch, psch, psch –
Trinke: glugg, glugg, glugg,
glugg, glugg, glugg, glugg.
Trinke: glugg, glugg, glugg,
glugg, Schluck für Schluck!

Wohin geht das Wasser,
wenn man es trinkt?




Heldelied

1 Geschter i dr Nacht,
hei's plötzlech komisch kracht.
I gloub, das sy die Drache,
wo unter mir tüe wache.
Ha mi vor luter Schrecke,
wölle gah verstecke.
Ouge zue und nümme schnuufe
und probiere wyter z' pfuuse.
Aber i bi ne Held, mit lüchtigem Schild,
mit Muet und Chraft,
wo sys Schloss so guet bewacht.
I cha mir hälfe und tue nid wägloufe.
I cha mi o wehre u de Drache
dr Wäg versperre.

2 Schnäll bin i usem Bett gsprunge,
und ha grad dr Liechtshalter gfunge.
Ha muetig dene Drache,
wölle dr Garuus mache.
Ha lut grüeft: Itz isch gnue,
Drache löt mi i Rueh!
Itz müesst dir verschwinde, gschwind,
süs chumm i mit mym hälle Schild!
Aber i bi ne Helden,
so gfährlech und sehr wild,
mit Muet und Chraft,
wo ihres Schloss so guet bewacht.
I cha mir...

3 Und won i under ds Bett gluegt ha,
da sy die Drache nümme da.
Und im ganze Zimmer,
vo Drache gar ke Schimmer.
Die sy itz au verschwunde,
hei es nöis Huus gfunde.
Itz chani ruhig wyterschlafe und
mys Schild tuet mi bewache.
Wil i bi ne Held mit lüchtigem Schild,
mit Muet und Chraft,
wo sys Schloss so guet bewacht.
I cha mir...



Roti Wülchli

1 Roti Wülchli am Himmel,
i de Tanne dr Föhn,
und i fröie mi, ja i fröie mi,
dass dr Morge so schön,
und i fröie mi, ja i fröie mi,
dass dr Morge so schön.

2 Im Wald tüe mir spile,
füürle, singe derby,
und i fröie mi, ja i fröie mi,
dass mir zäme sy,
und i fröie mi, ja i fröie mi,
dass mir zäme sy.

3 We mir hei göh am Abe,
de wüsse mir scho,
und mir fröie üs, ja mir fröie üs,
dass mir wieder chöi cho,
und mir fröie üs, ja mir fröie üs,
dass mir wieder chöi cho.

Hunger u Durst

I ha itz ganz lang dusse gspilt,
ha glachet und ha gsunge,
han e schöni Hütte bout
und bi i ds Loub dry gsprunge.
Da faat's i mym Buuch afaa rumple,
cha fasch nümme ume gumppe.
I ha Hunger, I muess ässe,
alles andre chasch vergässe.
Grad e ganze Sack vou Öpfu
Und drzue e Mandugipfu!

I ha itz ganz lang dusse gspilt,
ha glachet und ha gsunge,
han e schöni Hütte bout
und bi i ds Loub dry gsprunge.
Da isch myni Zunge plätzlech troche,
i mym Hals tuet's nur noch rochle.
I ha Durst, itz muess i trinke.
Töif i ds Wasser inesinke.
Grad es Schwümmbad voll mit Tee
und e Himbeersirupsee!



Carramba

- 1 Carramba scho isch es Zyt zum Choche!
Wo hett sech dr Chuchichef verchroche?
Im Herd brönnt no kes FÜür,
's hett es Würmli i dr Confitür.
Ei Samba, Samba, Samba di tomato,
Macaroni, Peperoni e Potato,
Charlotte russe mit Ölsardine,
Maggi, Böle und Rosine,
das isch üse grüsel Chuchi Swing, Pudding!
- 2 Im Mühl tüe d' Made sich verpuppe
nur kei Angscht, si versuufe i dr Suppe.
Im Brot hett's e wyssi Muus,
morn git's es saftigs Bifdegg druus.
Ei Samba...
- 3 Warum tuesch du i ds Öpfumuesos,
statt Zucker so vili, vili Salzos?
De säge alli Würmli: Pfüi!
Und dusse sy si im Hui!
Ei Samba...



Mittagsgymnastik

Mir chöi mit de Füessli stampe,
oder mit de Finger tanze.
Mir chöi ou dr Buuch chly träie
und de gwaggle mit de Zähie.
Nächär mit dr Nase schmöcke,
d' Händ tüe uf em Chopf chly höckle.
Am Schluss de mit em Muu schmatze
und no chly dr Chopf chratze.

Was ist ihnen wichtig am Anfang
und am Ende einer Mahlzeit?



Zähn putze

- 1 Zähnli putze, Zähnli putze,
oh wie isch das schön!
Zersch chly hinde, när no vorne,
ohni grosses Gschttöhn.
Oh wär i doch en Elefant
eipod sapperlot!
En Elefant, dä putzt nid d' Zähn
und das isch eifach flott!
- 2 Zähnli putze, Zähnli putze,
oh wie isch das schön!
Zersch chly obe, när no unde,
ohni grosses Gschttöhn.
Oh wär i doch es Krokodil
eipod sapperlot!
Es Krokodil, das putzt nid d' Zähn
und das isch eifach flott!



Hat ihr Kind ihnen schon einmal die Zähne geputzt?!

Pöisele

- 1** Ha hüt scho d' Wält entdeckt,
ha mänge Streich usgheckt!
Ha gspilt und glachet und güebt.
Doch langsam aber sicher
wirde ig es bitzeli müed.

Chumm mys Mami, chum zu mir.
Pöisele wett ig itz mit dir.
Nimm mi itze fescht i Arm
und gib mir es bitzeli warm.

Chumm mi Papi, chum zu mir.
Pöisele möcht ig itz mit dir.
Strychle mir ganz fiin über ds Gsicht
u verzel mir e schöni Gschicht.

- 2** Ha hüt scho d' Wält entdeckt,
ha mänge Streich usgheckt!
Ha gspilt und glachet und güebt.
Doch langsam aber sicher
wirde ig es bitzeli müed.

Chum mys Nuscheli, chum zu mir.
Pöisele wett ig itz mit dir.
Schnüffle mit mym Näsl dra,
fühle mi wohl, wenn di bi mir ha.

Chum mys Bärli, chum zu mir.
Pöisele wett ig itz mit dir.
Gspüre, wie fiin dys Fähli isch,
fühle mi geborge,
wenn de bi mir bisch.




Bajuschki Baju

- 1** Schlaf mys Chind
uf myne Arme,
Bajuschki Baju.
Da bi mir bisch
du im Warme,
Bajuschki Baju.

- 2** Dusse tuet dr Wind
lut hüüle,
Bajuschki Baju.
Alli Tierli müesse früüre,
Bajuschki Baju.

- 3** Da bi mir
bisch du geborge,
Bajuschki Baju.
Chasch bi mir sy
bis am Morge,
Bajuschki Baju.

Zäihe, Finger, Naseloch



Das isch e grösse Zäihe,
das isch e chlyne Finger.
Das isch es Naseloch
und das isch es Chnöi.
Das isch e Buuchnabel
und das isch e Zahn.
Und alles tüe mir chlöpferle
und chlöpferle und chlöpferle.
Und alles tüe mir stryche
und stryche und stryche.
Und alles tüe mir schüttle
und schüttle und schüttle
und schüttle und schüttle
und schüttle,
Und itz isch alles still!

Das isch e Ellboge
und das isch e Chopf.
Das isch e Schultere
und das isch e Backe.
Das isch e Rügge
und das isch e Hals.
Und alles tüe mir chlöpferle...

Welche Körperteile kennt ihr Kind?

Wenn's di fasch verjagt

- 1 Wenn's di fasch verjagt vor Fröid,
de chlatsch i d' Händ.
Wenn's di fasch verjagt vor Fröid,
de chlatsch i d' Händ.
Wenn's di fasch verjagt, tue chlatsche,
wenn's di fasch verjagt, tue chlatsche,
wenn's di fasch verjagt vor Fröid,
de chlatsch i d' Händ.
- 2 Wenn's di fasch verjagt vor Fröid,
stampf mit de Füess...
- 3 Wenn's di fasch verjagt vor Fröid,
de träi im Kreis...
- 4 Wenn's di fasch verjagt vor Fröid,
gump uf und ab...

Woran sehen sie, dass ihr Kind sich freut?



Fruchtsalat

Öpfu, Öpfu, Öpfu, Öpfu,
Öpfu, Öpfu, Öpfu, Öpfu.

Bire, Bire, Bire, Bire, Bire, Bire,
Bire, Bire, Bire, Bire, Bire, Bire.

Ärdbeeri, Himbeeri, Ärdbeeri, Hmm.

Welche Früchte mag ihr Kind besonders gerne?




D' Frou Lila

1 I mym Buuch, da hockt d' Frou Lila
Die tuet am liebschte dr ganz Tag spile,
aber plötzlech isch's
mit em Spile de verby,
si rüeft zu mir hi: I bi so froh, i fröi mi so!
I chönnt die ganzi Wält umarme
u alles teile mit volle Arme.
Und we si de, so fröhlech isch,
de tuef's im Buuch, bi mir e so:

2 Es kribbelet und krabbelet,
es gumpet und es zabebelet.
Aber plötzlech isch's mit em Fröie de verby,
si rüeft zu mir hi:
I bi so truurig,
's isch all's so schuurig,
I wett am liebschte nume gränne,
u nüt meh gfallt mir ar Wält me dranne.
U we si de, so truurig isch,
de tuef's im Buuch bi mir e so:

3 Es isch so schwär
grad wie ne Chlumpe und
gar nüt meh wott ume gumpen.
Aber plötzlech isch's
mit em Truure de verby,
sie rüeft zu mir hi:
I bi so wüetig, 's isch all's so gnietig,
i wett am liebschte nur no trotzte
und mit de Füscht a d' Wänd dra boxe!
Und we si de, so wüetig isch,
de tuef's im Buuch, bi mir e so:

4 Es blitzet und es donneret,
es rumplet und es bolleret.
Aber plötzlech isch's mit em Wüete de verby,
si rüeft: Das isch's gsy!



Wie zeigt ihr Kind Freude, Traurigkeit oder Wut?



I wott nid i ds Bett

- 1** I wott nid i ds Bett!
Lalalalalalalalam.
Dys Bett das isch so schön u warm.
Lulululululululum.
I wünsche dir e schöne Troum!
- 2** I wott no gumpe!
I wott no gumpe!
I wott umespringe!
I wott umespringe!
Lalala...
- 3** I wott no zeichne!
I wott no zeichne!
I wott Musig lose!
I wott Musig lose!
Lalala...
- 4** I wott no trinke!
I wott no trinke!
I wott Büechli läse!
I wott Büechli läse!
Lalala...

Was beruhigt ihr Kind abends?



Schlaf mys Chind

Schlaf mys Chind, dr Tag isch verby.
Mond u Stärnli singe für di.
Frage liis: Wie hesch's hüt gha?
Schlaf ruehig i, mir sy für di da!

Schauen sie sich abends vor dem
Einschlafen Mond und Sterne an.

Chindli my

Chindli my, schlaf nur y, d' Stärnli wei itz schyne.
Und dr Mond chunnt ou scho, über ds Bärgli yne.
Heja Butte, Wiegeli, schlaf mys Chindli schlaf nur y.
Heja Butte, Wiegeli, schlaf mys Chindli schlaf nur y.

Wird ihr Kind gerne gewiegt?

Ade und uf Wiederseh

- 1** Dr Tag isch verby,
es isch sehr spannend gsy.
Itz säge mir: Ade uf Wiederseh!
Ade, Ade und uf Wiederseh!
Bonne nuit, bonne nuit et au revoir!
- 2** Dr Tag isch verby, es isch sehr lustig gsy.
Itz säge mir: Ade uf Wiederseh!
Addio, addio e arrivederci!
Buna saira e sta bain!
- 3** Dr Tag isch verby, es isch e Schöne gsy.
Itz säge mir: Ade uf Wiederseh!
Adios, adios y despedida!
Zbogom, zbogom i laku noc!
- 4** Dr Tag isch verby,
es isch sehr spannend gsy
Itz säge mir: Ade uf Wiederseh!
Veda, veda ve elveda!
Goodbye, goodbye and farewell!

Ade, Ade und uf Wiederseh!



Welche Gute-Nacht-Rituale haben sie aus ihrer eigenen Kindheit übernommen?